

(<https://news.usm.my>).

Berita Mutakhir

## 20 JUL

# PELAJAR USM BERBAKTI DI VIETNAM DALAM PROGRAM SUKARELAWAN SISWA



PULAU PINANG, 20 Julai 2017 - Pelajar Pusat Pengajian Sains Kajihayat Universiti Sains Malaysia (USM), Shahid Dzayuddin bertuah kerana terpilih ke program Sukarelawan Siswa anjuran Yayasan Sukarelawan Siswa (YSS) yang dijadualkan diadakan di Vietnam pada 16 Julai 2017 hingga 16 Ogos 2017.

Shahid akan menjalankan misinya di Kampung Nhuan Du, daerah Chu Ci, Vietnam. Dia turut diberikan penghormatan dalam program ini untuk menjaga bahagian Kluster Pendidikan.

Pengerusi Yayasan Sukarelawan Siswa, Datuk Zuraidah Atan turut ikut bersama para peserta untuk program ini.

Yayasan Sukarelawan Siswa (YSS) dilancarkan pada tahun 2012 sebagai entiti yang dimiliki sepenuhnya oleh Kementerian Pendidikan Tinggi (KPT) dan mendokong visi untuk membangunkan Malaysia sebagai hub sukarelawan pelajar dan menghasilkan ikon sukarelawan pelajar global.

YSS bertekad untuk melaksanakan misinya untuk menggalakkan, mendidik dan membimbing pelajar institusi pendidikan tinggi untuk mempromosikan keamanan dunia dan memupuk semangat melalui jaringan komuniti di dalam dan di luar negara.

Teks: Hafiz Meah Ghouse Meah



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015